



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

დავლიანიძე ლიანა სევერიანის ასული

დავლიანიძე ლიანა სევერიანის ასული (დ. 26. XII. 1930, თბილისი), ისტორიკოსი. ისტ. მეცნ. დოქტორი (1990), პროფესორი (1992).

1952 დაამთავრა თსუ-ის აღმოსავლეთმცოდნეობის ფაკ-ტი. 1954–55 მუშაობდა საქართვე. მეცნ. აკად. ვარძიის მუზეუმ-ნაკრძალში. შეისწავლა და გამოაქვეყნა თმოგვის ციხის მიდამოების სომხ. ეპიგრაფიკული ძეგლები (1959).

1956–90 მუშაობდა ი. ჯავახიშვილის სახ. ისტ. და ეთნოლოგიის ინ-ტში. თარგმნილი და გამოქვეყნებული აქვს სომხ. საისტ. მწერლობის არაერთი მნიშვნელოვანი ძეგლი შესავალი წერილითა და შენიშვნებით: მხითარ გომის „ალვანეთის ქრონიკა" (1968), ბაქარია აგულეცის „დლიური" (1979), იაკობ შემახელის „თამაზ ყული-ხანის ლაშქრობანი" (1978), აბრაჰამ ერევანცის „ომების ისტორია" (1976).

ეს ნაწარმოებები მოიცავს მდიდარ მასალას საქართვე. ისტორიის შესახებ. აქვს მხატვრული თარგმანიც. 1990–2006 მუშაობდა საქართვე. ტექ. უნ-ტში. კითხულობდა საქართველოს ისტ. კურსს (უძველესი დროიდან XIX ს-მდე).

დაჯილდოებულია ივ. ჯავახიშვილის საიუბილეო მედლით (1976).

თარგმ. (გარდა ტექსტში მოხსენიებულისა): მოსე კალანკატუელის „ალვანთა ქვეყნის ისტორია", თბ., 1985; მხითარ აირივანელის „ქრონოგრაფიული ისტორია", თბ., 1990.

თბზ.: Значение армянских источников XVIII века для истории Грузии, Тб., 1985.

